



Proposicións non de lei aprobadas polo Pleno do Parlamento de Galicia o 19 de decembro de 2012

6.5 844 (09/PNP-000042)
Grupo Parlamentario Popular de Galicia
Sobre os aspectos que debe recoller a redacción do
Proxecto de lei de garantías de prestacións sanitarias
para a súa presentación no Parlamento de Galicia
Publicación da iniciativa, BOPG n.º 11, do 07.12.2012

O texto aprobado é o seguinte:

“O Parlamento de Galicia insta a Xunta de Galicia a que na anunciada Lei de garantías de prestacións sanitarias que se presente no Parlamento:

1.- Se prevexa o dereito a que a atención sanitaria no ámbito hospitalario do sistema público, no seu carácter programado, non urgente, sexa dispensada de acordo cunhas demoras máximas nos tempos de espera.

2.- Se prevexa a libre elección de médico, pediatra e persoal de enfermaría.

3.- Se prevexa a libre elección de hospital.

4.- Se recollan aspectos e dereitos relacionados coa segunda opinión médica e instrucións previas.”

6.8 895 (09/PNP-000047)
Grupo Parlamentario Popular de Galicia
Sobre as medidas que debe adoptar o Goberno
galego en defensa da viabilidade do sector lácteo e
do equilibrado da cadea de valor da comercialización



dos seus produtos

Publicación da iniciativa, BOPG n.º 11, do 07.12.2012

O texto aprobado é o seguinte:

"O Parlamento de Galicia insta a Xunta de Galicia a adoptar as seguintes medidas en defensa da viabilidade do sector lácteo galego e do equilibrado da cadea de valor da comercialización dos seus produtos:

- A curto prazo:

1.- Dar continuidade ao impulso dun grupo de traballo constituído entre os diferentes segmentos do sector, especialmente entre produtores, industria e distribución, que permita desenvolver unha negociación periódica dos prezos do leite.

2.- Reforzar o desenvolvemento do Plan de control de calidade do leite que se está a pór en marcha desde o ministerio e en coordinación coas CC.AA., co gallo de analizar os contidos dos produtos en toda a cadea de transformación de comercialización.

3.- Comunicar a situación existente no mercado lácteo aos servizos e tribunais en materia de competencia para a análise e estudo dos mercados de cara a detectar e sancionar posibles prácticas abusivas na estrutura comercial do lácteo.

4.- Demandar do Ministerio de Agricultura, Alimentación e Medio Ambiente:

- O cumprimento estrito do acordo asinado entre produtores, comercializadores e transformadores para que o leite deixe de ser un produto de reclamo comercial.



- A articulación dunha fórmula áxil para achegar as axudas conseguidas na UE para poder xerar liquidez nas explotacións e afrontar as débedas.

- A medio prazo:

1.- Impulsar e tramitar medidas legais específicas que permitan avanzar na formulación dun modelo de territorio rural que leve a dispor de maior base territorial para as explotacións lácteas galegas, con especial énfase na aprobación da Lei de mellora da estrutura territorial agraria.

2.- Continuar co apoio á marca identificativa do leite galego de calidade diferenciada *Galega 100%*, así como coa achega de axudas para a realización de investimentos de mellora das explotacións que leven a unha redución estrutural dos seus custos e a unha maior eficiencia no seu funcionamento.

3.- Fomentar a estruturación das organizacións de produtores lácteos, de forma coordinada e integrada coas estruturas organizativas previas do sector, de cara ao fortalecemento da posición negociadora da banda da produción láctea nos mercados, promovendo o seu dimensionamento autonómico e mesmo suprarrexional.

4.- Fomentar a integración e estruturación dun proxecto galego de transformación de leite, que peche de maneira conexas, directa ou indirectamente, o ciclo de produción e transformación do leite, de cara á produción de produtos elaborados e á diversificación para a produción de derivados lácteos que xeren maior valor engadido, e consolide unha industria transformadora láctea galega propia.

5.- Demandar do Goberno do Estado:

- A posta en vigor das leis que permitan favorecer o equilibrio e a transparencia na cadea de valor do lácteo, con especial énfase nas promovidas con base nos



anteproxectos de lei de transparencia da cadea alimentaria e da concentración da oferta.

- A defensa, dentro do proceso de reforma da política agraria común e no marco decisorio español e europeo, do recoñecemento e tratamento equitativo das particularidades do agro galego. En particular, defenderemos a consideración do sector lácteo como prioritario, atendendo a postular o seu acceso aos pagamentos acoplados por riba do 10% que se prevexa na proposta de regulamento de pagamentos directos feito público pola Comisión Europea."

Santiago de Compostela, 19 de decembro de 2012